

一樓居詩稿
四繪軒詩鈔
春草堂遺稿

天馬山房詩別錄
清聞齋詩存



清
聞
齋
詩
存

周鼎樞 著

中
華
書
局

此據咫進齋叢書
本影印初編各叢
書僅有此本

武功縣知縣周公家傳

姚文田

公諱鼎樞字凝甫一字榆所世居浙江嘉善之中阜祖全錫始徙居邑城生子三翼洙衢州府學教授禮翰林院編修既濟慈谿縣學教諭翼洙子二長卽公次升桓翰林院侍講歷廣西分守桂平梧鬱驛鹽道先是乾隆十五年授授編修兄弟同歲解明年編修捷禮部第一卽以廷試第三人及第又明年爲壬申

恩科編修子震榮舉於鄉癸酉公與弟分道又同歲舉甲戌教授分道父子咸進士五年之中得售相繼一時言科名者稱嘉善周氏公年二十三登賢書甲戌丙戌僅兩試禮部丁丑奉教授公諱庚辰癸未皆已至京師會遭大父母喪公以家孫持重未及試踰齡南歸丙戌下第後大挑入二等例得學職不赴充景山官學教習滿引

見仍以教職用公自知數奇門多通籍而已獨頻數蹉跎
自此遂無意進取矣後數年補孝豐縣學訓導時青浦徐
公恕總藩兩浙檄監省會書院事庚子

高宗南巡公承葦天竺志又總典文翰書籍以勞薦明年
謁選得桐柏知縣尋調陝西武功縣知縣初公僅一子以
烜公歿其早成所以篤飭之過亟以烜資不甚下然稟弱
久之得咯血疾公之需次京師也以烜舊疾作遂殤家人
輩秘不以告及之官武功有舊奴陸姓者往投冀收錄輒
以情輸時公已病罷聞信號慟見血後二十餘日亦卒距
到官歲五十日而已公學識闊達論時事能切中利弊詩
文典瞻詳整富陽董文恪新建襄文達兩公皆亟稱之尤
工書分道以書名楷一時至於小楷自謂不及也然艱於
一第及爲令復不竟其施公音嘶每不能疾言術者謂公

屢願以此然則相固非無有歟公既無子以分道子以照
爲後有女曰瑤適歸安姚文田生而端惠讀書能曉大義
公愛之邑故多世族聞名者踵相接公不應後見文田所
爲詩文於王太史增所述以女字之衆詫曰若止一女又
端好乃與貧窶子及文田幸竊科名入仕版又嘖嘖稱公
爲知人公配陳封孺人處士唐女恭順柔明後公十年卒
處士於學無所不窺不屑事科舉業有三子不能世其家
諸女各得其一長長女字武林沈者善書而孺人善琴公
生於雍正九年十一月廿二日卒於乾隆四十六年十月
十七日年五十有一從葬於教授公許家濱之兆以孺人
合焉

論曰士之遇不遇皆天爲之曷嘗由其材哉以公之門蔭
學業而未一竟其志可以知之矣然則苟窮富貴亦奚足

爲輕重而論老斤斤以是爲觀人之得失不已未乎

清閑齋詩存

嘉善周鼎樞凝甫

卷一

甲戌乙亥各遊日課至丙子三月止
甲戌以前刪餘詩附

擬古

嶺谷數寸竹龍門百尺桐古皇啟其鑰天籟開鴻濛雲門
咸池奏鳳凰鳴嚶嚶上可格羣帝下可節八風世代逸以
降替亂迷商宮淫哇紛雜運趣數亡從容人心使之然咎
豈由瞽矇咄哉彼俗耳冷淪忻雷同伯聞大雅音應令三
日彈

白鶴舒脩翎翔遊入表清喉散遙空乃晴睨晴額白榆
光歷歷行車日杲杲剛風振圓闕赤氣亘黃道下視齊州
平九點孤烟裊嗟爾迷詩間飛搶方矯矯

讀史

渭水東流繞故基，咸陽落日草離離。
世間猶有阿房賦，海上已無頌德碑。
童女三千浮巨浸，金人十二跪彤甍。
高池白壁歸來後，始信神仙未可期。

承露仙人倚碧霄，柏梁樓觀鬱瑤池。
七夕降王母金屋，深春鎖阿嬌。
銀潢影中雲漠漠，彩鷺夢裏夜迢迢。
豈知封禪渾無用，徒使輪臺恨未消。

洛陽殿闕屬劉聰，石馬嘶牛轅遂東。
十二銅駝臥荆棘，幾聲蛙鼓鬧衰叢。
老成深惜御前座，小吏曾遊天上宮。
家事果然終不了，令人遺恨賈南風。

綵綉飛裘逼太清，弄兒解意誦西京。
曲廊裏來蓮步永，巷陌熙熙有市聲。
朱雀航邊兵氣合，景陽樓上暮烟橫。
蔣君不管興亡事，贏得黃袖送石城。

江南王氣近如何，仰客風流樂事多。
結綺樓頭春浩蕩，廣

寒宮裏舞婆娑石泉猶有胭脂氣金管誰翻玉樹歌天甌
山來限南北豈知擒虎竟飛過

三千殿脚幸江南猶自巡遊興未酣翠斂夜驚螢燭闌錦
帆春倩木鷄探侍兒宛轉能來夢學士風流解咏憑可是
傷心淒絕處無端對鏡語喃喃

避暑驪山衆未央紅塵蹴處荔枝香花奴羯鼓新翻譜賀
老琵琶初定場組練無情悲宛轉雨鈴有曲怨耶當最憐
銅合歸來日猶是聲聲憶上皇

花石南來艮嶽成道君皇帝好長生雨中寶錄傳金闕雲
際仙官擁玉清虎帳三軍無戰志龍樓六甲有神兵莫言
內禪非良策猶得相從五國城

庚申天子好淫靡挑動中原起義旗植碑舊傳示儉草典
更新製渾天儀春風海子龍舟迴夜月天魔舞袖垂一夕

瓊車走沙漠上都誰賦黍離詩

燕子高飛上帝畿旋開祕室着緇衣蛟龍未敢吞新月蜀魄空能叫落暉南國黍離知有恨東山斧破苦無威滇池萬里歸何日應悔當年廟算非

雜詩

美人簪名花花好人亦好里婦盛鉛朱終覺顏色槁妍媸本天定功豈由人巧所以猿夫人蛾眉祇淡掃我有五色繭製成七條絃長短中律度堅紉細繆綿刺舟來海上將以贈成連成連不可見使我心惏然
桓桓韋蘇州英姿何偶儻黃金少年場寶劍羽林長一朝忽弭節緩步青雲上迴憶遊俠時奚啻霄壤
吾憐信天翁竊立若有待鷗鷺晒其愚飲啄卒不廢世豈無捷足有時或不逮諒哉先民言守拙計非昧

錢塘懷古

朔方鐵騎滿江城，天目千年王氣傾。
宰相有謀輸歲幣，海潮無信疊元兵。
六宮芳草餘殘照，五國啼鴉空月明。
惆悵西湖行樂地，畫船依舊載簫聲。

岳忠武墓

痛哭班師議已成，君王甘作小朝廷。
十年汗血付江水，一夜星芒墮獄亭。
樹上新枝猶倔強，堦前穢鐵亦精靈。
可憐隔岸冬青塚，衰草荒荒白露零。

胥山

艾陵一戰氣何驕，十二諸侯北面朝。
遂使鴟夷浮碧血，至今白馬蹴江潮。
鮮門想見觀兵日，吳市哀傳乞食簫。
千載湖山餘廟貌，西風梧槨日蕭蕭。

西溪曉行

步屣繞溪行，溪流漸有聲。
野花隨意發，水鳥自呼名。
獨往遂成趣，長歌空復情。
幽人應未起，不敢叩柴荆。

宿韜光

盤盤竹樹隱崔嵬，直到孤峯世界開。
百八鐘聲塵裏夢，三千金像劫前灰。
中宵旭日隨潮上，使曉嵐光帶雨迴。
借問遠公蓮社約，可容攜酒倚香臺。

觀潮

誰謂東流去，不同驚濤逆。
破海壑來，鳴夷治氣自千古。
鐵弩餘威安在哉，白馬蹴天天影淡。
靈鼙擊鼓鼓聲哀，箇中消息誰能識。
我欲乘槎一溯洄。

聽秣陵吳思立談明故宮遺蹟

吳生讀史笥貯腹，千載滄桑話更僕。
門對西風簾道斜，南朝宮闕餘平陸。
父老能知長樂鐘，賊內某坊有巨鐘，唐地識之者曰此鼓長樂鐘。

也行人不識連昌竹長于古寺足亭臺舊內斜陽饒昔積

明大內道址今馬教場牧地今問有樓如結綺高幸無并類胭脂辱荒主

殷遊多墜銅神功不戰少遺鏃黑山昔日走桑乾青嶺無

心戀函谷徒言半壁擁飛龍那計中原誰得鹿南顧諸劉

大業華瑯琊一馬天心屬天心縱未厭昏德長城自壞嗟

誰贖吏道多端及爛羊時事一朝成覆餗覆餗方誇廟算

優江淮門戶不須愁萬枝銍火雙棲燕既大鏡製春燈謎

教坊俱夢返蘭春與菊秋擅場鐵撥嬌元夜跋扈戈船據

上游劫火自來焚劍舄寢固猶聽哭松楸崇禎中孝陵間

氣餘分安足論沙蟲獲鶴何遠巡故臣筐篋功名在祠部

牲牢禮數新卯金遺像空隆準明祖廟本朝遺像許人瞻仰鵝火

成功記伏辰從知蕩蕩乾坤德爲念寥寥文謝名淒涼宮

殿當時籥寂寞邱墟何氏民昇平相遇談興替好醉金陵

萬斛春

太湖

三萬六千頃平鋪一片秋鏡中吳地闔天上洞庭浮不返
鴟夷棹空餘子夜謳平生湖海意於此更悠悠

洞庭山

拔浪雲根起凌波積翠浮如何西子黛猶向鏡中愁霜染
家家橘雲凝寺寺秋羨他垂釣侶來往任扁舟

胭脂滙

羨爾鴟夷子功成載美人長令千古艷占斷五湖春倚棹
鷺鷥並牽芳茵昔新風流誰得似何處挹清塵

朱香逕

香逕花仍發林間玉珮空美人化蝴蝶春日滿芳叢憶昔
盈盈意應憐片片紅祇今無限恨盡在夕陽中

靈岩寺

不識靈岩寺由來卽館娃可憐采香逕唯有玉勾斜垂柳
一溪影春風滿地花繁華在何處起手問僧家

聞笛

吳江秋月白吳苑暮山青玉簫來何處梅花滿洞庭

越來溪

高挂吳門怒目閒遙看越甲此中來至今波湧潮迴候也
作風聲鶴唳猜

虎邱

日落香臺起暮鴉遊人空憶舊繁華三千寶劍夜無氣一
箇美人墳有花倚有真娘墓江上笙歌連盡舫林中樓閣翳晴
霞風光不盡四時好總屬空門老衲家

吳門旅夜

皋橋人去市門空誰識風塵廬下鋪畫舫有人歌白苧客
窗無寐拭青絳鳥啼西子臺邊月風送寒山寺裏鐘歸計
未知何日就秋江開到木芙蓉

閨歌

姑胥臺上夕易開畫舫笙歌處處迴一縷入雲飛不定滿
江孤客盡徘徊

太湖泛月

日落五湖秋湖光靜不流馮夷推月上龍女弄珠遊銀海
浮三郡金波挂十洲誰喚歌子夜有客在孤舟

自江干發棹抵柯城得詩五首

定山何處是一望渺難窮江折湖崩岸舟輕帆飽風雲飛
樹影外客思雁聲中回首增惆悵飄飄信短篷

日落遠山紫扁舟一葉輕烏當烟際沒人在鏡中行乍得